



Na osnovu člana 69. stav (3) člana, 70. st. (1) i (4) Zakona o javnim nabavkama ("Službeni glasnik Bosne i Hercegovine", broj: 39/14 i 59/22), člana 48. Pravilnika o javnim nabavkama „Elektroprenos – Elektroprijenos BiH“ a.d. Banja Luka, člana 67. Statuta „Elektroprenos – Elektroprijenos BiH“ a.d. Banja Luka, u postupku javne nabavke broj: JN-KZ-1213/2023 – Popravka krova u TS Lukavac, Direktor „Elektroprenos – Elektroprijenos BiH“ a.d. Banja Luka, Operativno područje Tuzla donosi

O D L U K U

o poništenju postupka javne nabavke

I

Poništava se postupak javne nabavke broj: JN-KZ-1213/2023 – Popravka krova u TS Lukavac, u skladu sa članom 69. stav (3) Zakona o javnim nabavkama, jer je izabrani ponuđač „ASV Inženjering“ d.o.o. Banja Luka odustao od potpisivanja ugovora.

II

Ova odluka stupa na snagu danom donošenja.

O b r a z l o ž e n j e

„Elektroprenos – Elektroprijenos BiH“ a.d. Banja Luka, kao Ugovorni organ (u daljem tekstu: Ugovorni organ) na osnovu Odluke o pokretanju postupka javne nabavke broj: JN-KZ-1213-2/2023 od 29.12.2023. godine, proveo je konkurentski zahtjev za dostavljanje ponuda JN-KZ-1213/2023 – Popravka krova u TS Lukavac. Za predmetni postupak javne nabavke objavljeno je obavještenje o nabavci broj: 2605-7-2-2-3-2/24 od 09.01.2024. godine na Portalu javnih nabavki BiH. Procijenjena vrijednost nabavke bez PDV-a iznosi 3.500,00 KM.

Za provođenje predmetnog postupka nabavke, Ugovorni organ je Rješenjem broj: JN-KZ-1213-4/2023 od 29.12.2023. godine, imenovao Komisiju od 5 (pet) članova.

Komisija za predmetnu javnu nabavku je dana 23.01.2024. godine sačinila Zapisnik o otvaranju ponuda broj: JN-KZ-1213-11/2023, u kojem je konstatovano da je dostavljena jedna ponuda u određenom krajnjem roku.

Komisija za javnu nabavku dostavila je Direktor Operativnog područja Tuzla, Zapisnik o pregledu i ocjeni ponuda broj: JN-KZ-1213-15/2023 od 21.01.2024. godine, sa preporukom za donošenje odluke o izboru najpovoljnijeg ponuđača te sa prijedlogom da se postupak javne nabavke broj: JN-

KZ-1213/2023 – Popravka krova u TS Lukavac okonča zaključenjem ugovora sa ponuđačem „ASV Inženjering“ d.o.o. Banja Luka.

Dana 25.01.2024. godine sačinjena je Odluka o izboru najpovoljnijeg ponuđača, broj JN-KZ-1213-16/2023 i Obavještenje o rezultatima postupka javne nabavke broj JN-KZ-1213-17/2023. U navedenom Obavještenju konstatovano je da je izabrani ponuđač u obavezi da dostavi potrebnu dokumentaciju koja je tražena tačkom 12.5 tenderske dokumentacije, a u skladu sa tačkom 12.7 tenderske dokumentacije.

Dana 30.01.2024. godine od strane ponuđača je dostavljena sva potrebna dokumentacija, broj JN-KZ-1213-18/2023 o čemu je sačinjen Zapisnik o pregledu i ocjeni naknadno dostavljenih dokumenata, broj JN-KZ-1213-19/2023.

Dana 05.02.2024. godine sačinjen je Ugovor broj JN-KZ-1213-20/2023 te isti potpisan od strane Direktora Elektroprenosa BiH, Operativno područje Tuzla, kao i propratni dopis o dostavi ugovora, broj JN-KZ-1213-21/2023. Ugovor je isti dan poslan putem pošte na potpis izabranom ponuđaču „ASV Inženjering“ d.o.o. Banja Luka. Izabrani ponuđač je bio u obavezi da dostavi potpisane ugovore u roku od 7 dana od dana prijema dopisa o dostavi ugovora.

Dana 11.03.2024. godine od strane ponuđača dostavljen je dopis o povratu dostavljenih ugovora, broj protokola JN-KZ-1213-22/2023, u kojem se navodi da izabrani ponuđač nije u mogućnosti pristupiti realizaciji radova iz razloga što je došlo do povećanja cijena materijala i ranije preuzetih obaveta. Uz navedeni dopis ponuđač je dostavio nepotpisane ugovore.

U postupku donošenja ove odluke, posebno su cijenjene činjenice da je Komisija u svemu potpuno i pravilno postupila te da je preporuka o poništenju postupka nabavke data u skladu sa Zakonom o javnim nabavkama, podzakonskim i internim aktima i tenderskim dokumentom.

Iz naprijed navedenih razloga, primjenom člana 69. stava (3) Zakona o javnim nabavama, te člana 48. Pravilnika o javnim nabavama „Elektroprenos – Elektroprijenos BiH“ a.d. Banja Luka, odlučeno je kao u izreci ove odluke.

Ova odluka objaviće se na web stranici www.elektroprenos.ba, u skladu sa članom 70. stav 6. Zakona o javnim nabavkama BiH.

POUKA O PRAVNOM LIJEKU

Protiv ove odluke može se izjaviti žalba Uredu za razmatranje žalbi putem Ugovornog organa, najkasnije u roku od 5 (pet) dana od dana prijema ove odluke, na adresu: "Elektroprenos – Elektroprijenos BiH" a.d. Banja Luka, Operativno područje Tuzla, Ljubače bb, 75000 Tuzla.

Dostaviti:

- Službi za komercijalne poslove OP Tuzla,
- Evidenciji.

Direktor OP Tuzla

Samir Jagodić, dipl. ing. el.

"Elektroprenos Bosne i Hercegovine" a.d. Banja Luka
Operativno područje Tuzla
Ljubače bb pošt. fah 79 75000 Tuzla
Terenske jedinice: Tuzla i Doboj
Tel. +387 35 304 000, Fax: +387 35 304 008

PDV br.: 402369530009
MB: 11001416
BR: 08-50.3-01-4/06
Ministarstvo pravde BiH
Sarajevo
JIB:4402369530041

Transakcijski račun
Raiffeisen bank BiH
Filijala Tuzla
1610250018880030

(2/2)